

- 1) Möglicherweise ist diese Liste in Zusammenhang mit dem Kampf der Zuger Stadt- und Amtsräte Beat II. Zurlauben und Georg Sidler um die Ammannschaft von Stadt und Amt Zug zu sehen, für das weitere s. AH 98/19 Anm. 1.
- 2) s. AH 98/164 Pt. 17
- 3) Hier in AH 98/174 wohl fälschlich Hans Rudolf Moos genannt.
- 4) Franz Letter wohnte einmal auch an der Oswaldgasse.

AH 98, 304

175

[v. 1656] August 24.

A

GEDICHT VON [BEAT II.] ZURLAUBEN

"Jn diser Welt: und Jamerthal
uff die Jst mir Kommen Jede Zahl
der usserwälten Gottes all
Dört Ewig Jn des himels saal.
Fahls aber dir eins widerfehrt
das Gott din pitten nit erhört
So wüsse das man heiter findt
das dessen dry Ursachen sindt:
die erst Zeigt Gott der herr selbs ahn
als Jm das volkh vil ehr anthan
mit Jren leffzgen. Doch Jr hertz
Wyth von Jm wahr; sprach er nachwertz
Darumb würd Jch sy nit erhören
So solt din hertz Zur Zungen Kheren:
dan wan du hast ein stummendt hertz
vergebenlich din Zungen schwezt
Die ander Ursach findst du glych
wan flyssig würst erforschen dich.
und leyder Jn din gwüssen finden.
Nit nur ein, sunders vil der sünden.
Drumb Kan dein pitt nit woll uffstygen.
solang die sundt thuot by dier pliben.
Zuo dem wurdt Got syn ohren wenden,
der unschuldig in sinen händen:
und tragt ein Reyns hertz darmit
dis pit ist gwis vergeben nit:
Zum driten so du wüssen wilt
das din begären auch nüt gilt:

und was du ... [vorerst] nit Kan syn
 Jst wahrlich die schuld eben din.
 Du forderst nit was Für dich Jst
 Darumb gedenkh Zue Jeder frist
 Din will und meynung Z'limitieren
 und Gottes willen Z'conformieren:
 der dier dan gnädig geben würdt:
 was dier Zuo lyb und sel gebürt
 [Apostel] **Bartholomaen** ohne Zwyffel
 hat syn gepet verricht mit yffer
 so well mit hertzen als auch mit mundt
 undt ohne sündt, diewyl er Kundt
 mit Gottes will vil Lüth bekheeren
 und sy den wahren glauben lehren
 auch den Tyranen überwinden
 ... [Wies] kanst Jn der historj finden.
 Allein wend wir Jn rüeffen ahn
 uns mit der fürpit byzestahn
 das Gott der herr uns welle geben
 noch disem Zergengkhlichen Läben
 Für die armsällig **Adams** hut
 deren wir leyder vil Verthruwt
 Ein andere hut wye Jm Zuglych
 glorificiert Jn himmelrych
 durch **Jesum Christum** unsern H[erren]
 der heilig geist well uns lehren
 das recht gebett mit mund und herz
 auch ohne sündt damit Nachwertz
 uns gott erhöre gnädigkhlich
 hiezytlich und durch Ewigkhlich.

*currenti stiloque calamoque in festo S. Bartholomaei [=24. August],
 prosa Concionis in poesia translata a*

B[eat]° [II.] Z[ur] Lauben.

*tradita R. P. [Kapuziner] Sebastiano Beroldinger [=von Beroldingen,
 gest. 1656] ipso die. in signum benevolentiae & servitutis".*

AH 98, 305 und 308 - Blatt 308^r leer